



Diligencia realizada por D.^a María Troncoso Abalo, Secretaria del Centro Asociado de la UNED en Pontevedra, para acreditar que, en conformidad con lo dispuesto en el artículo 30.1 de la Ley 11/2007, de 22 de junio , de acceso electrónico de los ciudadanos a los Servicios Públicos, se ha procedido a digitalizar en el Registro del Centro Asociado de Pontevedra con el número 60 de ENTRADA, de fecha 3 de marzo de 2017 el archivo adjunto cuyo contenido auténtico e íntegro se recoge en el presente documento electrónico.

En Pontevedra, a 3 de marzo de 2017.

La Secretaria del Centro Asociado de la UNED en Pontevedra.

UNIVERSIDAD NACIONAL DE
EDUCACIÓN A DISTANCIA
CENTRO ASOCIADO
PONTEVEDRA
SALIDA
NUM.
FECHA
PONTEVEDRA
ENTRADA
NUM. 60
FECHA 03 MAR. 2017



Data Rexistro 18/01/2017 09:49:23
Nº Rexistro 2017000719

SAIDA

O Pleno da Corporación Provincial na súa sesión, extraordinaria, do día 28 de decembro do ano 2016 adoptou, entre outros, este acordo:

12.6893.- APROBACIÓN DA INCLUSIÓN NO CONSORCIO UNIVERSITARIO CENTRO ASOCIADO Á UNED E DOS SEUS ESTATUTOS

Visto o ditame favorable da Comisión Informativa de Cultura e Lingua, do día 21 de decembro de 2016, na que o seu presidente informa sobre a solicitude efectuada pola Universidade Nacional de Educación a Distancia (UNED) coa proposta de aprobación para formar parte do Consorcio Universitario Centro Asociado á UNED en Pontevedra, xunto coa aprobación dos seus Estatutos, de acordo coa disposición adicional 9ª da Lei 27/2013, de 27 de decembro, pola que se establece a constitución específica dun Consorcio que dea soporte legal ó Centro Asociado da UNED de Pontevedra, e vistos os informes dos servizos de Cultura, Secretaría Xeral e Intervención, o Pleno acorda por unanimidade:

- Aprobar os Estatutos do Consorcio Universitario Centro Asociado á UNED en Pontevedra.
- Formar parte da composición do citado Consorcio Universitario Centro Asociado á UNED en Pontevedra.

Ditos Estatutos son como segue:

“ESTATUTOS DO CONSORCIO UNIVERSITARIO CENTRO ASOCIADO Á UNED EN PONTEVEDRA (MP)

INTERVENÉN

En Pontevedra, a 13 de decembro de 2016

Dunha parte,

O Excmo. Sr. D. Alejandro Tiana Ferrer, na súa condición de Reitor Magnífico da Universidade Nacional de Educación a Distancia (UNED) creada por Decreto 2310/1972, do 18 de agosto. Actúa en nome e representación da UNED, conforme ás facultades que ten conferidas polo art. 20.1 da Lei Orgánica 6/2011, do 21 de decembro, de Universidades; o art. 99 dos seus Estatutos aprobados por Real Decreto 1239/2011, do 8 de setembro, e o Real Decreto 527/2013, do 5 de xullo, de nomeamento.

E doutra,

A Excm. Sra. Dª María del Carmen Silva Rego, Presidenta da Excm. Deputación

Provincial de Pontevedra e da Xunta Reitora do Padroado do Centro.

O Excmo. Sr. D. Miguel Anxo Fernández Lores, Alcalde-Presidente do Excmo. Concello de Pontevedra.

O Excmo. Sr. D. Román Rodríguez González, Conselleiro de Cultura, Educación e Ordenación Universitaria da Xunta de Galicia.

O Sr. D. Ignacio de Colmenares y Brunet, Conselleiro Delegado de ENCE, Enerxía e Celulosa.

EXPOÑEN

Que por Orde Ministerial do 27 de febreiro de 1973 foi creado o Centro Rexional de Pontevedra da Universidade Nacional de Educación a Distancia, de acordo co disposto no Decreto 2310/72 do 18 de agosto e o Convenio concertado o día 24 de xullo de 1973 entre aquela Universidade, dun lado, e a Deputación Provincial de Pontevedra, doutro, consignado por escrito e que asinaron o Excmo. Sr. Reitor Magnífico daquela Entidade e o Excmo. Sr. Presidente da Deputación Provincial de Pontevedra.

Á vista do crecemento experimentado polo Centro Asociado á UNED de Pontevedra, asináronse dous Convenios entre a UNED dunha parte, e doutra o Presidente da Excma. Deputación Provincial de Pontevedra, o Alcalde-Presidente do Excmo. Concello de Pontevedra e o Presidente do Consello de Administración da Caixa de Aforros Provincial de Pontevedra, asinados en data 28 de marzo de 1981 e o 7 de decembro de 1994, respectivamente.

Que os cambios operados pola Lei 27/2013, do 27 de decembro, de Racionalización e Sostenibilidade da Administración Local; a Lei 15/2014, do 16 de setembro, de Racionalización do Sector Público e outras medidas de reforma administrativa; e a Lei 40/2015, do 1 de outubro, de Réxime Xurídico do Sector Público, incidiron moi significativamente na Lei 7/1985, do 2 de abril, Reguladora das Bases do Réxime Local e no Real Decreto 1317/1995, do 21 de xullo, sobre réxime de convenios da UNED cos Centros Asociados á mesma e normas concordantes ata facer inescusable -en desenvolvemento da disposición adicional novena da Lei 27/2013, do 27 de decembro- a constitución específica dun consorcio como figura xurídica que dea soporte legal ao Centro Asociado á UNED de Pontevedra. Iso, á súa vez, en cumprimento da previsión contida na estipulación décimo oitava do precitado convenio de 1994 e, na súa virtude, acórdase dotar ao devandito Consorcio dos seguintes.

ESTATUTOS

CAPÍTULO 1. DISPOSICIÓNS XERAIS

Artigo 1. Composición do Consorcio.

O Consorcio está constituído por:

A Excma. Deputación de Pontevedra.

-O Excmo. Concello de Pontevedra.

- A Xunta de Galicia.
- ENCE - Enerxía e Celulosa.
- A Universidade Nacional de Educación a Distancia.
- Aqueloutras entidades que poidan no futuro incorporarse ao mesmo.

Artigo 2. Denominación.

A Entidade pública que se constitúe recibirá o nome de Consorcio Universitario do Centro Asociado á UNED de Pontevedra.

Artigo 3. Natureza.

O presente Consorcio é unha entidade de dereito público dotada de personalidade xurídica propia e diferenciada e da capacidade de obrar que se require para a realización dos seus obxectivos, constituída polas administracións e entidades indicadas no artigo 1 conforme ao Real Decreto 1317/1995, do 21 de xullo, sobre réxime de convenios da UNED cos Centros Asociados á mesma.

Artigo 4. Adscrición.

De conformidade co disposto na disposición adicional vixésima, parágrafo 2, letra f), da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, en redacción dada pola disposición final segunda da Lei 27/2013, do 27 de decembro, de Racionalización e Sostenibilidade da Administración Local e no artigo 120 da Lei 40/2015, do 1 de outubro, de Réxime Xurídico do Sector Público, que o reproduce e substitúe a partir do 2 de outubro de 2016, o Consorcio quedará adscrito á UNED.

Artigo 5. Réxime xurídico xeral.

Consecuentemente coa adscrición indicada no apartado anterior, e por canto lle sexa de aplicación conforme aos artigos 2.2 c) e 84.3 da Lei 40/2015, do 1 de outubro, este Consorcio:

- a) Forma parte, a través da UNED, do sector público institucional.
- b) Clasifícase como do sector público administrativo a efectos do artigo 3 da Lei 47/2003, do 26 de novembro, Xeral Orzamentaria.
- c) Rexerase pola normativa universitaria e, supletoriamente e en canto non se opoña a ela, pola lei 40/2015, do 1 de outubro, e resto de disposicións que sobre procedementos e réxime xurídico se contén na lexislación estatal; no seu caso, pola lexislación de Réxime Local e polos demais preceptos que sexan de aplicación.

Artigo 6. Réxime de impugnación de actos.

Os actos do Consorcio serán impugnables ante os tribunais da xurisdición contencioso-administrativa salvo que, pola natureza concreta do acto de que se trate, sexa de aplicación outra instancia ou xurisdición.

Artigo 7. Duración.

A duración do Consorcio será por tempo indefinido.

Artigo 8. Obxecto do Consorcio.

O Consorcio ten por obxecto o sostemento económico do Centro Asociado á UNED de Pontevedra, como unidade da estrutura académica da UNED, a fin de servir de apoio ao Ensino Superior e a colaborar ao desenvolvemento cultural da contorna, así como outras actividades directamente relacionadas cos obxectos antes expresados que acorde a súa Xunta Reitora.

O Consorcio ten a condición de medio propio (MP) da UNED.

Artigo 9. Domicilio social.

O Consorcio, para todos os efectos legais, estará domiciliado en C/ Portugal nº 1, urbanización de Monteporreiro, código postal 36162, Pontevedra.

Artigo 10. Locais e Instalacións do Centro Asociado.

1. O Centro Asociado atópase situado na cidade de Pontevedra, (Pontevedra). Os devanditos locais, destinados exclusivamente ao Centro Asociado, contan cos espazos e instalacións adecuados esixidos con carácter xeral pola normativa vixente.

2. O Centro Asociado deberá dispoñer da infraestrutura mínima que determina a Universidade na súa normativa reguladora dos Centros Asociados.

No caso de que as necesidades do Centro requiran unha ampliación dos seus locais os novos deberán contar, en todo caso, coa previa aprobación da Universidade. Calquera cambio que afecte á localización do Centro, así como os posibles cambios parciais do lugar dalgunha prestación docente, haberán de ser autorizados polos órganos competentes da UNED.

Artigo 11. Ámbito territorial.

O ámbito territorial do Centro Asociado comprende a provincia de Pontevedra.

O Centro Asociado, conforme ás normas de admisión aprobadas polo Consello de Goberno, comprométese a admitir a todos os estudantes que cursen as carreiras e estudos autorizados polo Centro e que residan no ámbito territorial do mesmo. Tamén deberá admitir alumnos doutras zonas cando a Universidade o requira e existan no Centro medios e recursos suficientes para atendelos.

A Xunta Reitora do Consorcio poderá propoñer á Universidade a creación de Aulas para facilitar os estudos dos estudantes que non residan na zona onde o Centro Asociado ten a súa Sede. Estas Aulas deberán ser previamente autorizadas pola Universidade. Nos Convenios subscritos e aprobados pola Xunta Reitora para o establecemento de Aulas terán que consignarse a

prestación docente e o orzamento para cubrir a prestación.

CAPÍTULO 2. GOBERNO DO CONSORCIO

Artigo 12. Goberno do Consorcio.

O goberno do Consorcio corresponde aos seguintes órganos:

-A Xunta Reitora.

-O Presidente ou a Presidenta da Xunta Reitora.

Artigo 13. Da Xunta Reitora.

1.Composición. A Xunta Reitora estará constituída, de conformidade co artigo 2 do Real Decreto 1317/1995, do 21 de xullo, por 11 membros:

- a) 3 en representación da UNED.
- b) 4 procedentes das demais institucións que financian o Centro.
- c) O Director ou a Directora do Centro.
- d) O ou a Representante do Profesorado titor do Centro.
- e) O Delegado ou a delegada de estudantes do Centro.
- f) O ou a Representante do Persoal de Administración e Servizos do Centro.

Actuará como Secretario ou Secretaria o ou a do Centro Asociado, con voz pero sen voto.

No caso de que algún membro da Xunta Reitora non puidese asistir a unha reunión programada, poderá designar representante con voz e voto.

2. Funcións. A Xunta Reitora asumirá as facultades que lle correspondan como órgano de dirección, administración e representación ante terceiro do Consorcio universitario titular do Centro Asociado á UNED de Pontevedra e, entre outras, terá as seguintes competencias:

- a) Proponer a modificación dos Estatutos que rexan o funcionamento do Consorcio que, en todo caso, deberá ser aprobada por todas as institucións consorciadas.
- b) Aprobar a incorporación de novas entidades.
- c) Proponer á UNED a creación de Aulas que, en calquera caso, deberán ser autorizadas por ela.

d) Acordar a implantación no centro de novos ensinos regrados e non regrados, conforme ao que se dispón na lexislación vixente, aprobando o gasto necesario a incluír no orzamento para a implantación dos novos ensinos regrados.

e) Conceder subvencións a outras entidades públicas ou privadas sen ánimo de lucro, así como axudas ou bolsas a estudantes, no ámbito dos seus obxectivos.

f) Aprobar o orzamento anual e a súa liquidación, os estados de contas e a memoria anual, remitíndoo á UNED xunto co inventario existente ao peche do exercicio.

g) Aprobar os gastos extraordinarios e a achega coa que contribuirá cada ente consorciado que, como principio xeral, distribuirase en función das posibilidades de cada un; iso sen prexuízo da ratificación que no seu caso sexa procedente.

h) Adquirir, dispoñer, administrar e enaxenar os bens e dereitos do Centro Asociado sempre que non supoñan alteración da vontade e fins fundacionais.

i) Aprobar os dereitos ou ingresos de calquera clase procedentes das actividades do Centro Asociado, de acordo ás normas da UNED.

j) Aprobar a modificación, no seu caso, do Regulamento de Réxime Interior do Centro Asociado, conforme ás directrices fixadas polo Consello de Goberno da UNED.

k) Aprobar os plans e proxectos de obras e servizos do Consorcio, a súa contratación cando exceda dos límites establecidos nas bases de execución do Orzamento e a determinación do seu réxime de xestión.

l) Acordar a firma de contratos co persoal directivo, administrativo e de servizos; sen prexuízo das facultades que correspondan á UNED en función da súa regulamentación específica.

m) Fixar o número e as condicións económicas e laborais de todo o persoal do Centro Asociado, cos límites no seu caso derivados do disposto no artigo 121 da Lei 40/2015, do 1 de outubro.

n) Determinar anualmente, a proposta do Director ou Directora do Centro, as prazas do Profesorado-Titor que impartirán docencia no Centro Asociado e efectuar as convocatorias para a súa selección de acordo coas directrices fixadas polo Consello de Goberno, así como a proposta de nomeamento do Profesorado-Titor do Centro Asociado.

o) Controlar e fiscalizar as actividades do Centro Asociado e das súas Extensións.

p) Disolver e liquidar o Consorcio.

A Xunta Reitora poderá delegar algunha das súas facultades mediante acordo expreso e para actos concretos. En todo caso serán indelegables aqueles acordos que requiran un quórum especial para a súa aprobación, a ratificación dos entes consorciados ou que teñan carácter orzamentario ou de control financeiro.

3. Réxime do funcionamento. A Xunta Reitora reunirase polo menos unha vez ao ano en sesión ordinaria, convocando aos seus membros cun mínimo de 10 días hábiles de antelación, ou de 6 días se fose convocatoria extraordinaria.

Para a válida constitución da Xunta Reitora será necesaria a asistencia, en primeira convocatoria, da maioría absoluta dos membros que a compoñen e, en segunda convocatoria, a asistencia polo menos do presidente ou presidenta (ou persoa que lle substitúa) e de dous vogais, debendo ser polo menos un deles representante da UNED.

4. Supostos de maiorías cualificadas. Será necesario o voto favorable da maioría absoluta de membros con dereito a voto da Xunta Reitora do Consorcio para a adopción dos seguintes acordos:

a) A proposta de redacción ou modificación dos Estatutos do Consorcio, que deberá ser ratificada polas institucións asinantes do Convenio.

b) A modificación do réxime ordinario de achegas e a aprobación de achegas ou responsabilidades económicas extraordinarias.

c) A aprobación e a modificación do Regulamento de Organización e Funcionamento do Centro Asociado ou dos outros creados polo Consorcio.

d) A creación de Aulas.

e) A implantación de novos estudos, carreiras e outros ensinos a distancia.

f) A aprobación de operacións financeiras ou de crédito cando o seu importe exceda do 25% dos recursos ordinarios do orzamento.

g) A disolución e a liquidación do Consorcio.

5. Ratificación de acordos. Os acordos que supoñan alteración da vontade inicial e os que implican achega ou responsabilidade económica extraordinaria, e en especial os sinalados nas letras a), b), f) e g) do apartado anterior, terán que ser ratificados polos respectivos órganos de goberno das institucións consorciadas, sen cuxo requisito non terán validez.

Artigo 14. Do presidente ou da presidenta da Xunta Reitora.

O presidente ou presidenta da Xunta Reitora será o/a Presidente/a da Excm. Deputación

de Pontevedra e terá as seguintes atribucións:

- a) A representación legal e institucional do Consorcio.
- b) Convocar, presidir, moderar, suspender e levantar as sesións. Visar as actas e certificacións dos acordos do órgano.
- c) Asegurar o cumprimento das leis, sen prexuízo dos deberes propios do secretario conforme ao artigo 16 da Lei 40/2015, do 1 de outubro.
- d) Dirixir, executar, supervisar e impulsar as actividades do Consorcio.
- e) Supervisar os aspectos non académicos de actividade do Consorcio, sen prexuízo das competencias de dirección, supervisión, coordinación e impulso que correspondan á UNED, a través dos seus diversos órganos e unidades, respecto da actividade académica.
- f) Exercer o resto de funcións e facultades que lle sexan delegadas expresamente pola Xunta Reitora.

Artigo 15. Do vicepresidente ou da vicepresidenta.

O vicepresidente ou vicepresidenta suplirá ao presidente ou presidenta nos casos de vacante, ausencia ou enfermidade e cando este lle delegue actuacións concretas. O vicepresidente ou vicepresidenta da Xunta Reitora será o representante da Institución que así se acorde pola propia Xunta Reitora.

CAPÍTULO 3. RÉXIME FINANCEIRO E ECONÓMICO

Artigo 16. Financiamento.

1. Réxime xurídico. O réxime de orzamentación, contabilidade e control do Centro Asociado á UNED de Pontevedra, será o aplicable á UNED, por estar adscrito a ela, sen prexuízo da súa suxeición ao previsto en Lei Orgánica 2/2012, do 27 de abril, de Estabilidade Presupostaria e Sostenibilidade Financeira. En todo caso, levará a cabo unha auditoría das Contas Anuais que será responsabilidade da Intervención Xeral da Administración do Estado, conforme ao artigo 237 dos Estatutos da UNED, en relación co artigo 122.3 da Lei 40/2015, do 1 de outubro.

Os informes que emita a Intervención Xeral da Administración do Estado no exercicio da devandita función serán incorporados ás devanditas contas anuais e enviados á UNED para a súa unión ás desta, sen prexuízo do réxime de xestión que poida establecer a Xunta Reitora.

2. Orzamento anual. O Consorcio comprométese ao financiamento de todos os gastos correspondentes ao orzamento anual ordinario de funcionamento do centro asociado, isto é, todos os gastos de persoal, locais, edificios, instalacións e materiais; os de desprazamento de profesores titores e outro persoal do centro dos Departamentos da Universidade para participar en Seminarios e convivencias dentro do Centro Asociado; así como bolsas e calquera outro gasto consignado no orzamento ordinario do Centro.

As entidades consorciadas obríganse a incluír anualmente nos seus orzamentos ordinarios as partidas necesarias para subvencionar a totalidade dos gastos do Centro.

3. Financiamento ordinario procedente da UNED. A Universidade Nacional de Educación a Distancia efectuará a achega dineraria prevista para os centros asociados no ordenamento estatal (actualmente, no Real Decreto 1317/1995, do 21 de xullo) e nos Estatutos da UNED e resto da súa normativa propia. Este financiamento, de conformidade co artigo 2.2 da Lei 38/2003, do 17 de novembro, Xeral de Subvencións, non estará incluída no ámbito de aplicación da devandita lei.

4. Financiamento ordinario procedente do resto de entidades consorciadas. O resto das

institucións que financian o Centro Asociado comprométense a actualizar anualmente as súas achegas económicas de acordo ao criterio aprobado pola Xunta Reitora. A estes efectos, dita achega será revisada sobre a consignada no último orzamento do Centro Asociado.

As subvencións contempladas nesta estipulación deberán facerse efectivas ao comezo do exercicio orzamentario e, en todo caso, non máis tarde do mes de marzo.

En caso de incorporación dunha nova entidade ao Consorcio requirirase acordo da Xunta Reitora en que se especifique a contía da súa achega ordinaria.

5. Outro financiamento. O Consorcio poderá recibir das entidades consorciadas ou de terceiros subvencións adicionais ás achegas dinerarias ordinarias indicadas neste artigo.

6. Prohibición de establecer aos estudantes pagos obrigatorios distintos dos procedentes da matrícula. O Centro Asociado non poderá percibir ningunha cantidade dos estudantes matriculados na Universidade polos ensinos regrados nin poderá impoñer ningún tipo de actividades complementarias polas que haxan de desembolsar cantidade algunha. Tampouco poderá existir vinculación de ningunha clase entre o Centro e outras Entidades que proporcionen ensino aos alumnos salvo autorización previa expresa da UNED.

Artigo 17. Patrimonio do Consorcio.

1. O Consorcio será titular do patrimonio que se incorpora como anexo a estes Estatutos, podendo ademais, adquirir, posuír, administrar, gravar e allear os seus bens, con arranxo á normativa establecida para a Administración pública que sexa aplicable á UNED.

2. Non se considerarán patrimonio propio do Consorcio os bens que poidan achegar as entidades que o compoñan se non teñen o carácter de transmisión en propiedade.

En particular, os bens inmoables propiedade dunha das administracións ou entidades consorciadas que sexan postos a disposición do Consorcio manterán a titularidade da administración ou entidade de orixe, salvo que expresamente se acorde outra cousa.

Artigo 18. Ingresos do Consorcio.

Serán ingresos do Consorcio os seguintes:

- a) Ingresos de dereito privado.
- b) Os ingresos por prestación de servizos pola realización de actividades da súa competencia.
- c) Os procedentes de operacións de crédito.
- d) Achegas dinerarias ordinarias e extraordinarias de calquera natureza provenientes das entidades consorciadas ou doutras administracións públicas.

Artigo 19. Xestión do gasto.

1. Normativa interna. Corresponderá á Xunta Reitora aprobar as normas internas de procedemento e de xestión do gasto, regulando as súas distintas fases así como o réxime das modificacións orzamentarias; todo iso, con suxeición á normativa xeral aplicable e con observancia do disposto no apartado seguinte.

2. Autorización e compromiso de gastos. Os gastos cuxo importe sexa inferior ao 5% do orzamento poderán autorizarse e comprometerse polo Director ou Directora, coa firma mancomunada do Administrador ou Administradora do Centro.

Corresponderá á Xunta Reitora autorizar e comprometer os gastos que superen dita

cantidade.

CAPÍTULO 4. DOS ÓRGANOS DE ADMINISTRACIÓN DO CENTRO

Artigo 20. Do director ou directora.

O Centro Asociado terá un director ou directora que será nomeado polo reitor oída a Xunta Reitora e con suxeición aos requisitos e procedemento establecido pola normativa da UNED. A duración do mandato será de catro anos e poderá ser renovado.

O director ou directora, sen prexuízo das competencias que correspondan especificamente a outros órganos, será o garante da legalidade no Centro.

Artigo 21. Funcións do director ou directora.

Entre outras, contidas no Regulamento de organización e Funcionamento do Centro, serán atribucións do director ou a directora:

- a) Exercer a representación legal e institucional do Centro Asociado.
- b) Adoptar cantas medidas académicas, económicas e administrativas sexan necesarias para o normal funcionamento do Centro Asociado, dando conta delas o máis axiña posible á Xunta Reitora.
- c) Convocar e presidir o Claustro e o Consello de Dirección do Centro.
- d) Dirixir, coordinar e supervisar a actividade do Centro.
- e) Cumprir e facer cumprir os acordos dos órganos de goberno do Centro ou da Xunta Reitora.
- f) Elaborar os proxectos de orzamentos de ingresos e gastos para a súa aprobación definitiva, se procede, pola Xunta Reitora.
- g) Presentar aos órganos competentes a liquidación contable e orzamentaria de cada exercicio fiscal para a súa aprobación, se procede.
- h) Supervisar o cumprimento das obrigacións dos profesores titores.
- i) Exercer a xefatura do persoal do centro.
- j) Supervisar a elaboración da memoria anual de actividades do Centro, que presentará aos órganos competentes.
- k) Disposicións de efectivo, con firma mancomunada, nos termos e contías que estableza a Xunta Reitora.

Artigo 22. Dos subdirectores ou directores adxuntos ou subdirectoras ou directoras adxuntas.

O Centro poderá contar coa colaboración dun ou máis subdirectores ou directores adxuntos ou subdirectoras ou directoras adxuntas, cuxas atribucións e procedemento de nomeamento ou nomeamentos virán estipuladas no Regulamento de Organización e Funcionamento do Centro.

Artigo 23. Do Secretario ou Secretaria.

O Centro Asociado terá un secretario ou secretaria que como cargo de confianza do director, será nomeado e cesado por este, que informará do seu nomeamento á Xunta Reitora e ó Vicerreitorado de Centros Asociados da UNED. O secretario ou secretaria do Centro Asociado o

será tamén da Xunta Reitora do Consorcio, asistindo ás súas reunións con voz pero sen voto.

Artigo 24. Do administrador ou administradora.

O Centro poderá contar cun Administrador ou Administradora, cuxo procedemento de nomeamento e atribucións virán estipuladas no Regulamento de Organización e Funcionamento do Centro.

Artigo 25. Do persoal de administración e servizos.

O Centro Asociado contará co persoal de administración e servizos, necesario para atender a xestión administrativa e económica, que aseguren o correcto funcionamento do Centro.

Este persoal debe proceder exclusivamente das Administracións e entidades consorciadas. O seu réxime xurídico será o da UNED e as súas retribucións en ningún caso poderán superar as establecidas para postos de traballo equivalentes naquela.

Excepcionalmente, cando non resulte posible contar con persoal procedente das Administracións participantes no Consorcio en atención á singularidade das funcións para desempeñar, a UNED poderá autorizar a contratación directa de persoal por parte do Consorcio para o exercicio das devanditas funcións.

O persoal preexistente non procedente das administracións e entidades consorciadas conservará o seu réxime de emprego actual, sempre que non se opoña ao establecido na Lei 40/2005, do 1 de outubro.

CAPÍTULO 5. RÉXIME ACADÉMICO

Artigo 26. Actividade académica.

De conformidade co artigo 67 dos Estatutos da UNED, aprobados polo Real Decreto 1239/2011, do 8 de setembro, o Centro Asociado é unha unidade da súa estrutura académica.

Consecuentemente, a súa actividade académica está sometida ao réxime existente na UNED e, especificamente, ás previsións que respecto dos centros asociados conteñen os seus Estatutos e ás normas e directrices do Consello de Goberno, xuntas de facultade e escola, departamentos, profesores encargados da docencia e demais órganos da UNED no ámbito das súas competencias respectivas.

Artigo 27. Goberno e administración do centro.

1. O goberno e administración do centro axustarase ao consignado no Regulamento de Organización e Funcionamento aprobado no seu día.

2. O réxime interior do Centro dependerá da Xunta Reitora, que se rexerá polo Regulamento de Organización e Funcionamento vixente, axustado ás directrices fixadas polo Consello de Goberno da UNED. No Regulamento asegurase a debida participación dos profesores-titores, dos alumnos e do PAS nos órganos colexiados.

Artigo 28. Profesorado Titor.

1. Para levar a cabo os seus labores docentes o Centro Asociado contará con Profesores-titores ou Profesoras-titoras.

2. A vinculación do Profesorado-titor co Centro Asociado será a establecida na lexislación vixente (RD 2005/86, do 25 de setembro).

3. O Profesorado-titor haberá de reunir os requisitos previstos pola lexislación vixente e serán nomeados polo Reitor da UNED.

4. As condicións do concurso e a selección de titores ateranse ás disposicións e normas emanadas do Consello de Goberno da UNED e de conformidade co disposto na lexislación vixente.

5. O Profesorado-titor deberá cubrir un mínimo de horas fixado pola UNED respectando a lexislación sobre incompatibilidades.

6. Para o nomeamento do Profesorado-titor será requisito indispensable que os candidatos se comprometan por escrito a asistir ás reunións que se convoquen polo Departamento correspondente da UNED. O Profesorado-titor non estará obrigado a asistir a máis de dúas reunións por curso.

7. O Profesorado-titor non poderán exercer ningunha actividade docente dirixida aos alumnos da UNED en Centros non autorizados pola Universidade. O Centro Asociado fará o necesario para facer respectar esta prohibición.

Artigo 29. Servizo de librería.

O Centro asegurará o servizo de librería aos estudantes. Este servizo poderá ser prestado mediante xestión e distribución directa polo propio centro ou a través da Librería Virtual da UNED, nese caso incorporará na súa páxina web as ligazóns correspondentes.

En caso de prestación do servizo mediante outras fórmulas de xestión que inclúan convenios ou contratos con terceiros, estes non poderán prorrogarse.

Artigo 30. Actividades culturais e de Extensión Universitaria.

1. A programación de todo tipo de actividades de Extensión Universitaria que se organicen no Centro Asociado axustarase ás normas establecidas polo Consello de Goberno da Universidade. En calquera caso, a Xunta Reitora deberá aprobar os orzamentos correspondentes a este tipo de actividades.

2. O Centro levará a cabo os programas especiais aprobados ou que aprobe o Consello de Goberno para impartir cursos de especialización procedentes de acordos con institucións públicas (Centros Penais, Programas de especialización, etc.) Así mesmo, darán apoio aos programas de ensinos abertos e de formación do profesorado.

Artigo 31. Control de eficacia e supervisión continua.

O consorcio estará sometido ao control de eficacia e supervisión continua por parte da UNED, segundo esta estableza na correspondente norma interna, e sen prexuízo das auditorías que efectúe no seu caso a Intervención Xeral da Administración do Estado.

A este efecto, a UNED poderá inspeccionar ou realizar auditorías no Centro en calquera momento.

O Centro virá obrigado a remitir anualmente á UNED, nos prazos que a tal efecto se fixen

con carácter xeral, unha Memoria das actividades realizadas durante o curso, o seu orzamento, a liquidación e, demais documentos que a UNED poida esixir. Esta documentación, deberá axustarse ós modelos que a UNED estableza.

CAPÍTULO 6. DA SEPARACIÓN E DISOLUCIÓN DO CONSORCIO

Artigo 32. Dereito de separación.

O dereito de separación poderá ser exercido por calquera das partes nos termos previstos no artigo 125 da Lei 40/2015, do 1 de outubro. No caso de que o exercicio do dereito de separación non conleve a disolución do Consorcio estarase ó disposto no artigo 126 da referida Lei.

Artigo 33. Disolución do Consorcio.

1) O Consorcio disolverase por algún dos seguinte motivos:

a) Por disposición legal.

b) Por imposibilidade de cumprir os seus fins e obxectivos.

c) Por insuficiencia de medios económicos.

d) Polo exercicio do dereito de separación pola UNED ou por calquera dos outros membros, salvo que neste último caso a UNED acorde cos membros que non desexen separarse, a continuidade nos termos e coas condicións e efectos previstos no artigo 127 da Lei 40/2015, do 1 de outubro.

2) En caso de disolución do Consorcio, cada Entidade asumirá a responsabilidade do persoal que do seu persoal estivese adscrito ao Centro Asociado.

3) O destino dos bens inventariables será o seguinte: se foron achegados por unha soa entidade fundadora, reverterán a ela automaticamente e quedarán desafectados se é un ente público. Se foron achegados por varias entidades e formasen un conxunto inseparable, corresponderán a quen achegase a porción de maior valor, pero debendo indemnizar ós demais polo importe do valor das súas achegas actualizadas ao momento da liquidación, entendéndose, no seu caso, desafectados.

4) Con todo, antes de que as entidades consorciadas decidan a disolución da Xunta Reitora, o Consello de Goberno da UNED, á vista da dispoñibilidade dos seus recursos económicos e previo informe de viabilidade económica, poderá continuar coas actividades administrativas e docentes no Centro Asociado se considerase que pode facer fronte a todos os gastos.

Disposición final.

Os presentes Estatutos non só obrigan ao cumprimento do expresamente pactado, senón tamén a todas as consecuencias que, segundo a súa natureza, sexan conformes á boa fe, así como aos Estatutos polos que se rexa a Universidade Nacional de Educación a Distancia.

Sr. D. ALEJANDRO TIANA FERRER

Sra. D^a MARÍA DEL CARMEN SILVA REGO

Reitor Magnífico UNED

Presidenta da Excma. Deputación Provincial de
Pontevedra e da Xunta Reitora do Patronato do Centro

Sr. D. MIGUEL ANXO FERNÁNDEZ
LORES

Sr. D. ROMÁN RODRÍGUEZ GONZÁLEZ

Alcalde-Presidente do Excmo.
Concello de Pontevedra.

Conselleiro de Cultura, Educación e Ordenación
Universitaria da Xunta de Galicia.

Sr. D. IGNACIO DE COLMENARES Y
BRUNET

Consejero Delegado de ENCE, Energía y
Celulosa.”

O que lle comunico a Vde. para o seu coñecemento e efectos, coa salvidade que
establece o art. 206 do RD 2568/86, de 28 de novembro.

Pontevedra, 16 de xaneiro de 2017

O Secretario.

Por delegación o xefe do
Servizo de Cultura e Lingua
segundo R.P. núm. 201601033,
de 25 de xaneiro de 2016.

Contra este acordo, que pon fin á vía administrativa, poderá interpoñer recurso potestativo de reposición perante o mesmo
órgano que o ditou, no prazo dun mes a partir do día seguinte ó desta notificación (artigos 112 e 124 da Lei 39/2015, de 1 de
outubro, de Procedemento Administrativo Común das Administracións Públicas) ou ben, directamente, recurso contencioso-
administrativo perante o Xulgado do Contencioso Administrativo de Pontevedra segundo o disposto no artigo 8 da Lei 29/1998,
de 13 de xullo, Reguladora da Xurisdición Contencioso-Administrativa e, todo iso, no prazo establecido no artigo 46 da citada Lei.

Todo iso sen prexuízo de que poida utilizar calquera outro recurso que estime conveniente.

UNED